

殷夢霞 李強 選編

外國人著 清史八種

4



1190172

殷夢霞 李強 選編

外國人著清史八種

第四冊

國家圖書館出版社



淮陰師院圖書館1190172

〔日〕佐藤楚材編輯

清朝史略

十一卷之卷七至卷十一

東京青木嵩山堂，日本明治十四年（1881）刻本

清朝史略

佐藤楚材編輯

卷七

清朝史略卷七

日本 尾張 佐藤楚材 編輯

仁宗紀

仁宗睿皇帝諱永琰。乾隆帝第十五子。母鈕祜祿氏。滿州人。即位改元。嘉慶元年。春三月。恭謁兩陵。沿途地方。蠲免地丁錢糧十分之三。○畢沅永保督湖北。宜綿督陝西。福寧英善督四川。教匪群賊初起。初國家極盛于乾隆之六十年。版圖生齒倍雍。正四夷賓服。逾康熙外寧。則內蘖始釁。于湖南貴州紅苗。越明年授受禮成。太上皇帝訓政。宣重光。而湖北四川教匪旋蔓延。河南陝西甘肅。是時彗星出西方。長數丈。逾年不滅。乘新政之

宵肝與五省環攻之兵力。且撫且剿。猶七載而後定。靖餘孽者。又二載。先後糜餉逾萬萬金。視伊犁回部大小金川。幾再倍過之。云。白蓮教者。奸民假治病持齋。偽造經咒。以救劫為名。而安徽劉松為之首。乾隆四十年。劉松以河南鹿邑邪教事發被捕。遣戍甘肅。復分遣其黨劉之協。宋之清。教授傳播。徧川陝湖北。日久。黨益衆。遂謀不靖。倡言劫運將至。以同教鹿邑王氏子曰發生者。詭明裔朱姓。以煽動流俗。乾隆五十八年。事覺。復捕獲各伏辜。王發姓以童幼免死。戍新疆。惟劉之協遠颺。是年復跡于河南之扶溝。不獲。于是有旨大索州縣吏奉行不善。逐戶搜緝。胥役乘虐。而武昌府同知常丹葵奉檄荊州宜昌。株連羅織。

數千人富破家貧陷死無算。時川湖粵貴民方以苗事困軍興而無賴之徒亦以嚴禁私塩私鑄失業至是益讎官思亂奸民衆機煽惑于是發難于荆襄達州駸淫于陝西而亂作正月湖北荊州之枝江宜都則有聶傑人張正謨等賊起宜昌之長樂長陽應之○二月東湖當陽遠安賊起而林之華陷當陽湖廣總督畢沅湖北巡撫惠齡調兵三千剿荊州之賊上命西安將軍恆瑞領滿兵三千進剿當陽之賊是月總兵富志那禽聶傑人于枝江而襄陽鄖陽宜昌施南荊門州各山賊起○三月襄陽賊姚之富與教首齊林之妻王氏陷竹山保康而施南之來鳳亦陷于賊擾及四川酉陽○四月畢沅奏官兵先後殺賊不

下數萬而賊起益熾上乃責永保恒瑞以竹林保康之賊畢沅
舒亮以當陽遠安東湖之賊惠齡富志那以枝江宜都之賊鄂
輝以襄陽穀城均州光化之賊四川總督孫志毅以酉陽來鳳
之賊時襄陽賊焚呂堰馱蔓延鄧州新野令隊攻樊城永保奏
言襄陽賊數萬最猖獗界連河南賊首姚之富齊王氏劉之協
皆在其中為四方群盜領袖襄賊破則群盜自瓦解宜俟諸軍
集合力分攻詔明亮鄂輝赴襄陽賊已分擾孝感東距漢陽百
餘里幸為大遼所隔武昌戒嚴○六月上以畢沅惠齡領兵久
畢沅
惠齡
劉枝江
命永保
統湖北
諸軍
先靖
襄陽
而復
分攻
孝感
長陽
兩路
永保
復請
調湖
南苗
疆兵
二萬
前來
七月
破賊
漢陽

始無恐○九月宜勇伯和琳平苗疆詔明亮鄂輝馳回湖南惠
齡福寧移師榔平而畢沅防守襄陽巡撫景安防禦鄧州是時
湖北賊北唯襄鄧南則歸宜勢漸蹙而十月四川達州奸民徐
天德等激千胥役復與太平東鄉賊王三槐冷天祿等並起初
四川有囑匪而無教匪囑匪者金川之役官兵潰于水果木其
逃卒之無歸者與失業夫役無賴悍民散匿川東北剽掠為生
及官捕急則以白蓮教為逋逃藪又湖北襄陽敗賊多竄入川
故一旦揭竿戰鬪如素習而四川陝西皆無敢馳掩其烏合者
于是畢沅力請罷湖南苗疆移剿教匪上以苗事未畢不許而
川賊日熾由太平入陝分犯興安永保會諸軍剿襄賊于唐縣

姚之富已分犯棗陽復渡滾河而西蹂呂堰向光化穀城圍巡撫景安于鄧之魏家集二日官兵始至上以永保擁京營勁旅及大兵萬餘徒尾追不迎擊致賊東西蹂躪無忌逮入都治罪命惠齡摠統軍務時賊分二路每路二萬餘一姚之富齊王氏等向東南恆瑞等追之一張漢潮劉起榮等向東北惠齡慶成等追之復南與姚之富合賊已并入洞花之五作雲據險固守我兵乘雪夜繞出後山火其寨勦陽賊畧定○二年正月湖南苗事略定領侍衛大臣威勇侯額勒登保奏移荊州將軍興肇兵四千回襄陽總兵張廷彥兵二千餘赴長陽都統德楞泰將軍明亮率兵六千赴達州助剿川湖陝三路之賊餘賊僅數千。

勢漸蹙。而景安擁兵四千屯南陽山。不出一卒截擊賊。窺北面可乘。遂三路分犯河南。賊入河南。後虜脅日衆。不整隊不迎戰。不走平原。惟數百爲群。忽分忽合。忽南忽北。以牽我兵勢。御史宋澍奏言。惠齡奏殲楚賊不下數萬。何以至今蜂聚。景安防禦南陽逾年。何以任賊橫行。秦承恩迂屯興漢。何以武關全陝門戶。曾不設備。豈非各分畛域。懷觀望。乞專簡大臣督師三省。庶呼應靈而事權一。○四月詔責諸將曰。去歲邪教起長陽。未幾及襄鄖。未幾及巴東歸州。未幾及四川達州。繼起至襄陽。一賊始則由湖北擾河南。繼且由河南入陝西。若不亟行掃蕩。非但老師糜餉。且多一日蹂躪。即多一方瘡痍。各將軍督

撫大臣。身在行間。何忍貿無區畫。若謂事權不一。則原以襄陽一路責惠齡。達州一路責宜綿。長陽一路責額勒登保。福寧若言兵餉不敷。已先後調禁旅及隣省數萬。且撥解軍餉及部帑。不下三千餘萬。昔明季流寇皆由閹宦朋黨文恬武嬉。橫征暴斂。厲民釀患。今則紀綱肅清。勤求民隱。每遇水旱。不惜多方賑卹。且普免天下錢糧五次。普免漕糧三次。蠲免積逋。不下億萬。萬此次邪匪誘煽。不過烏合亂民。若不指日肅清。其何以奠九寓而服四夷。其令宜綿惠齡額勒登保等各奏用兵方略。及刻期何日平賊。并賊氛所及州縣若干。難民歸復若干。瘡痍輕重。共十分之幾。善籌安卹。以聞。河南川陝湖北屢年蠲卹。時英善

馳督陝甘。宜綿移督四川而襄賊三路已并爲一。由漢陰至紫陽奪船渡漢後五日惠齡至。恒瑞尚未至。上震怒詰責惠齡。恒瑞秦承恩慶成柯藩等追賊不力。防漢不嚴。盡奪世職孔雀翎戴罪効力。命宜綿統川陝軍務。宜綿奏言官兵利合不利分。賊利分不利合。且川楚賊雖同教黨各不同計。三賊必各據一隅以牽制我。乃議分剿時襄賊每軍先後分數隊且戰且走。散則匿筭聚則據險。日數變。襄賊自入川與達賊會後復有新賊響應。衆頗數萬。分兩路還楚。詔發吉林黑龍索倫兵三千令侍衛惠倫都統阿哈保以水蘭進哨兵百餘爲先鋒。赴河南河北。○八月襄賊分三路北犯而沿江樹柵。故此。次賊過襄陽潛謀。

偷渡居民賴以無恐。時漢防甚嚴。賊不能北渡。復西竄。愈追愈西。時竹山竹谿鄉勇各萬人。殺賊有功。詔發花翎五藍翎十分。賞出力者。自襄賊起事。騷擾皆在漢北。及賊由川還楚。入陝。復經漢南之宜昌荆門安陸襄陽鄖陽。焚掠十八州縣。而往還蹂躪幾千里。詔分別蠲卹。○十二月。明亮等議以賊情。則齊王氏首逆。以地勢。則高均德將東。驚興安。擾豫楚。而景安秦承恩等防守。步兵不能馳擊。遂舍齊王氏。率大兵八千。馳赴漢中。上大怒。責明亮德泰舍重就輕。墮賊計。使齊王氏得乘間北渡。盡奪世職紫韁孔雀翎。戴罪立功。宜綿以賊德。知縣劉清詣冉文偉賊巢諭降。後徧入王徐羅孫各寨。于是王三槐遂至大營。宜綿

厚犒之。使回巢諭衆。是夜王三槐率三千人詣壘詭降。將襲營。官軍知其詐。擊破之。而奏言至軍者實非王三槐。云賊遂據巴州。分犯奪糧道。而利川復有新起掠萬縣之賊。官渡有欲掠糧臺之賊。奉節有新起應白崖山之賊。宜綿奏言。近日惠齡恆瑞明亮德楞泰諸將皆入陝。惟臣一人在川。嘉陵江防甚亟。欲赴保寧。則川東千里無人調度。請別簡大臣。總督地方而已。親督師。專一辦賊。詔勒保赴川。代宜綿。總督軍務。宜綿督四川兼軍需。○三年正月詔勒保以總統兼督四川。宜綿移督陝甘。英善福寧會理四川軍餉。而景安總督湖廣。時襄賊復渡漢中。全陝震動。詔以四川知縣劉清得民心。將鄉勇禦賊。賊以其廉吏望。

風引避其據實保奏五月林亮功餘賊與王三槐合出沒太平
開縣屢與官軍相持詔切責勒保老師養賊○七月勒保以三
槐曾隨劉清至宜綿營乃復令前隨劉清至賊寨之貢生劉星
渠往說之三槐故狡譎反覆持兩端恃前此出入軍中無忌乃
留星渠為質而自詣大軍勒保遂以生禽首逆奏○大學士和
珅有罪下獄詔以和珅壓閣軍報欺罔擅專致各路領兵大臣
恃其蒙庇冒功糜餉多不以實入奏姑念更易將帥一時乏人
勒保仍以總統授為經畧大臣明亮額勒登保以副都統授為
參贊大臣別領官軍各當一路有不遵聞令者指名參奏○初
教匪起事皆以官逼民反為詞及王三槐禽亦有此供上聞之

親政吏
新編令

不爾用
兵於民

惻然命暫緩行刑詔曰國家深仁厚澤百餘年百姓生長太平使非迫于萬不得已安肯不顧身家而鋌而走險皆由州縣官官吏朘小民以奉上司而上司以餽結和坤今大慙已去綱紀肅清下情無不上達惟是教匪脅良民及遇官兵又驅爲前行以膺鋒鏑小民進退皆死朕日夜痛之自古惟聞用兵于敵國不聞用兵于吾民其宣諭各路賊中被脅之人有能縛獻賊首者並可邀恩否則臨陣投出或自行逃散亦必釋回鄉里俾安生業勞久思息諒必一見恩旨翕然來歸其王三槐所供川省良吏劉清外尚有知巴縣趙華知渠縣吳桂其量予優擢以從民望至達州知州戴如煌老病貪劣昏役五千借查邪教爲名